

**BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA SREBRENİK**

**NACRT:**

**ODLUKA  
O IZVRŠAVANJU BUDŽETA OPĆINE SREBRENİK ZA 2008. GODINU**

**OBRAĐIVAČ : Općinska služba za budžet,  
poduzetništvo i nadzor**

**PREDLAGAČ : Općinski načelnik**

**RAZMATRA I USVAJA : Općinsko vijeće**

**Srebrenik, novembar 2007. godine.**

Na osnovu člana 5. Zakona o Budžetima u Federaciji Bosne i Hercegovine ("Službene novine FBiH", broj:19/06), a u vezi sa članom 13. Zakona o principima lokalne samouprave u Federaciji Bosne i Hercegovine («Službene novine F BiH», broj:49/06), i člana 33. Statuta općine Srebrenik ("Službeni glasnik općine Srebrenik", broj:11/02), Općinsko vijeće općine Srebrenik, na sjednici održanoj dana, \_\_\_\_\_ 2007. godine, d o n o s i:

## **ODLUKU O IZVRŠAVANJU BUDŽETA OPĆINE SREBRENİK ZA 2008. GODINU**

### **I - OPĆE ODREDBE**

#### Član 1.

Ovom odlukom uređuje se struktura prihoda i primitaka te rashoda i izdataka Budžeta općine Srebrenik za 2008.godinu ( u daljem tekstu: Budžet), njegovo izvršavanje, prioriteta plaćanja, obim, zaduživanja i garancije, upravljanje javnim dugom, prava i obaveze korisnika budžetskih sredstava, ovlaštenja Općinskog načelnika, općinskih službi, kao i druga pitanja u izvršavanju Budžeta za 2008.godinu.

#### Član 2.

Budžet je akt kojim se utvrđuje plan finansijskih aktivnosti budžetskih korisnika, koji obuhvata projekciju iznosa prihoda i primitaka i utvrđenog iznosa rashoda i izdataka općine Srebrenik (u daljem tekstu:Općina) za razdoblje od jedne fiskalne godine koji donosi Općinsko vijeće Općine Srebrenik (u daljem tekstu: Općinsko vijeće).

Budžet se odnosi na fiskalnu 2008.godinu, koja počinje 01.januara, a završava se 31. decembra 2008. godine.

#### Član 3.

Svi prihodi i primici, rashodi i izdaci iskazuju se u budžetu na bruto načelu.

Budžet mora biti uravnotežen tako da ukupni prihodi i primici pokrivaju ukupne rashode i izdatke.

Budžetski korisnici mogu preuzeti obaveze na teret budžeta tekuće godine samo za namjene i do visine utvrđene u posebnom dijelu budžeta.

#### Član 4.

Budžet se sastoji od općeg i posebnog dijela i plana razvojnih programa.

Opći dio budžeta čini Račun prihoda i rashoda.

Posebni dio budžeta sastoji se od plana rashoda i izdataka budžetskih korisnika raspoređenih u tekuće i razvojne programe za tekuću budžetsku godinu.

Plan razvojnih programa po godinama čine planovi razvojnih programa budžetskih korisnika koji su utvrđeni u Programu kapitalnih investicija 2006.g.-2010.godine.

#### Član 5.

Plan razvojnih programa iz stava 4. člana 4. ove Odluke sastoji se od programa budžetskih korisnika koji sadrže:

- naziv programa,
- opis programa,
- potrebna sredstva za provođenje programa po izvorima prihoda,
- godine u kojima će rashodi za programe teretiti budžete sljedećih godina (višegodišnji investicioni programi) i
- druge elemente koji su značajni za provođenje programa.

#### Član 6.

Svi javni prihodi i primici Budžeta, uključujući i prihode koje korisnici budžeta ostvaruju obavljanjem osnovne djelatnosti po posebnim propisima, uplaćuju se na račun javnih prihoda Budžeta Općine i iskazuju po izvorima iz kojih potiču.

Prihodi ostvareni po osnovu Zakona o građevinskom zemljištu («Službene novine F BiH», broj:67/05) uplaćuju se i evidentiraju na posebnom računu Sredstva za uređenje zemljišta i rente i koriste se za kapitalne izdatke u oblasti komunalne infrastrukture i izradu projektne dokumentacije, u skladu sa Zakonom o prostornom uređenju («Službene novine TK», broj:03/05).

#### Član 7.

Budžetsko računovodstvo se zasniva na računovodstvenim načelima: tačnosti, istinitosti, pouzdanosti, sveobuhvatnosti, pravovremenosti i pojedinačnom iskazivanju poslovnih događaja, te na međunarodnim računovodstvenim standardima za javni sektor.

Budžetsko računovodstvo vodi se po načelu dvojnog knjigovodstva i na računima kontnog plana budžeta.

#### Član 8.

Priznavanje prihoda i primitaka, te rashoda i izdataka putem sistema Glavne knjige provodi se po načelu modificiranog nastanka događaja.

Prihodi i primici priznaju se u onom periodu kada su mjerljivi i raspoloživi, to jest kada su uplaćeni na račun budžeta.

Rashodi i izdaci priznaju se u onom periodu kada je obaveza nastala za plaćanje.

#### Član 9.

Sredstva budžeta koriste se za finansiranje poslova, funkcija i programa općinskih službi za upravu, stručnih službi, JU Centra za socijalni rad i ostalih čije je finansiranje iz budžeta predviđeno posebnim propisom ( u daljem tekstu:Korisnici).

Općinske službe koje u svom budžetskom razdjelu sadrže potrošačke jedinice, budžetski su za njih nadležne.

#### Član 10.

U cilju javnosti upravljanja javnim novcem Budžet, Odluka o izvršavanju Budžeta, Plan razvojnih programa i ostali dokumenti vezani za izvršavanje Budžeta objavit će se u Službenom glasniku općine Srebrenik, u skladu sa članom 76. Zakona o budžetima u Federaciji Bosne i Hercegovine («Službene novine FBiH», broj:19/06).

## II - IZVRŠAVANJE BUDŽETA

### Član 11.

Sredstva Budžeta osiguravaju se budžetskim korisnicima koji su u posebnom dijelu budžeta određeni za nosioce sredstava na pojedinim pozicijama.

Korisnici koriste budžetska sredstva samo za namjene koje su određene Budžetom, i to do visine utvrđene u njegovom Posebnom dijelu.

### Član 12.

Korisnici koriste sredstva Budžeta u skladu sa svojim godišnjim finansijskim planom, uzimajući u obzir dinamiku priliva sredstava u Budžetu.

### Član 13.

Budžet se izvršava u skladu sa njegovim likvidnim mogućnostima po sljedećim prioritetima:

- otplata duga i kamata,
- grantovi za jednokratne pomoći u oblasti socijalne i boračko invalidske zaštite,
- materijalni i drugi troškovi neophodni za rad općinskih službi,
- plaće i naknade zaposlenih,
- naknade za rad u Općinskom vijeću i radnim tijelima Općinskog vijeća,
- tekući grantovi-transferi
- tekući izdaci za komunalnu infrastrukturu,
- kapitalni izdaci za komunalnu infrastrukturu i
- ostalo.

Ukoliko dođe do poremećaja u ostvarivanju prihoda Općinski načelnik na prijedlog Službe za budžet, poduzetništvo i nadzor će utvrđivati prioritete i dinamiku korištenja sredstava budžeta a o čemu izvještava općinsko vijeće.

### Član 14.

Postupak nabavke roba, usluga i ustupanja radova mora se obavljati u skladu sa Zakonom o javnim nabavkama BiH («Službeni glasnik BiH», broj:49/04; 19/05; 52/05 i 08/06, 24/06 i 70/06).

### Član 15.

Hitni i nepredviđeni izdaci koji se pojave u toku budžetske godine podmiruju se iz sredstava tekuće rezerve utvrđenih u Budžetu.

O korištenju sredstava tekuće rezerve, na osnovu zahtjeva odlučuje Općinski načelnik, a po dobijanju mišljenja Službe za budžet, poduzetništvo i nadzor.

Općinski načelnik može odobriti isplatu sredstava iz tekuće rezerve do 500,00 KM bez mišljenja Službe.

Budžetsko izdvajanje za tekuću rezervu ne smije preći 3 % ukupnih prihoda, isključujući primitke.

Služba za budžet, poduzetništvo i nadzor obavezna je tromjesečno izvještavati Općinskog načelnika o korištenju sredstava tekuće rezerve.

Općinski načelnik polugodišnje izvještava Općinsko vijeće o korištenju sredstava

tekuće rezerve.

#### Član 16.

Općinski načelnik može na prijedlog budžetskog korisnika, uz pribavljeno mišljenje Službe za budžet, poduzetništvo i nadzor, donijeti Odluku o prestrukturiranju rashoda u okviru ukupnog iznosa odobrenog za budžetskog korisnika, a najviše do 10 % ukupno odobrenih rashoda za budžetskog korisnika.

U okviru odobrenog Budžeta, preraspodjela sredstava je dozvoljena između budžetskih korisnika.

O preraspodjeli iz prethodnog stava odlučuje Općinski načelnik.

#### Član 17.

Pogrešno ili više uplaćeni javni prihodi, vraćaju se uplatiocima iz sredstava Budžeta u skladu sa odredbama Pravilnika o načinu uplate javnih prihoda budžeta i vanbudžetskih fondova na teritoriji Federacije BiH («Službene novine F BiH», broj:29/06, 46/06, 8/07, 30/07 i 51/07).

#### Član 18.

Sredstva utvrđena za isplatu naknada za rad u Općinskom vijeću i u radnim tijelima Općinskog vijeća isplaćuje se na osnovu Odluke koje donosi Općinsko vijeće.

#### Član 19.

Sredstva utvrđena za finansiranje rada parlamentarnih grupa realizuju se u skladu sa Odlukom o raspodjeli novčanih sredstava Budžeta za finansiranje političkih stranaka zastupljenih u Općinskom vijeću Općine Srebrenik («Sl. glasnik općine Srebrenik», broj:9/02 i 12/03).

#### Član 20.

Sredstva utvrđena u Budžetu općine Srebrenik na pozicijama:

1. Grantovi neprofitnim organizacijama - Općinska izborna komisija,
  2. Ostali grantovi pojedincima - Podsticaj poljoprivrednoj proizvodnji,
  3. Ostali grantovi pojedincima kod Službe BIZ-a
  4. Grantovi pojedincima - Izdaci za RVI, članove porodica poginulih boraca i demobilisane pripadnike OS RBiH
  5. Isplate stipendija i kredita,
  6. Naknada štete od suše poljoprivrednim proizvođačima,
  7. Izdaci za izgradnju, rekonstrukciju i održavanje spomen obilježja
  8. Rješavanje stambenih pitanja boračkih populacija
  9. Namjenska sredstva za zaštitu od prirodnih i drugih nesreća
- koriste se na osnovu Odluka, Programa, Pravilnika i Planova koje donosi Općinsko vijeće, a Općinske službe nosioci budžetskih sredstava, o utrošku ovih sredstava obavezni su podnijeti izvještaj o utrošku sredstava Općinskom načelniku - Službi za budžet, poduzetništvo i nadzor.

#### Član 21.

Sredstva utvrđena u Budžetu općine Srebrenik na pozicijama:

1. Pomoć za raseljena lica i pomoć za održivi povratak,
2. Usluge premiještanja i selidbe,
3. «OGUS i Kulturne manifestacije»,
4. Pomoć po zahtjevima,
5. Razna udruženja i mladi,
6. Sredstva za finansiranje vjerskih zajednica,
7. Sredstva za finansiranje rada Mjesnih zajednica,
8. Unajmljivanje prostora
9. Obilježavanje godišnjica i memorijalnih datuma
11. Sindikatima firmi,
12. Kapitalni grantovi Mjesnim zajednicama

koriste se na osnovu Odluka i Programa o utvrđivanju kriterija i postupka dodjele sredstava za finansiranje usvojenih od strane Općinskog načelnika a na prijedlog nadležne službe.

#### Član 22.

Korisnici budžetskih sredstava iz prethodnog člana obavezni su mjesečno odnosno po završetku projekta izvještavati nadležnu općinsku Službu o utrošenim sredstvima.

#### Član 23.

Sredstva utvrđena u Budžetu općine Srebrenik kao «Kapitalni izdaci» i ulaganja u komunalnu infrastrukturu koriste se na osnovu Plana razvojnih programa, Programa izgradnje infrastrukture na području općine Srebrenik, Programa uređenja gradskog građevinskog zemljišta, a nadležne Službe o realizaciji istih podnose Izvještaj Općinskom vijeću.

#### Član 24.

Općina može izdati garanciju za finansiranje kapitalnih investicija samo pod uslovom da je pravno lice koje je zajmoprimac sredstava pravno lice čiji je većinski vlasnik općina ili je pod nadzorom općine, a Odluku o odobravanju izdavanja garancije donosi Općinsko vijeće, a garanciju potpisuje Općinski načelnik

Ugovor o regulisanju međusobnih odnosa za izdatu garanciju sa zajmoprimcem potpisuje Općinski načelnik.

### **III - FINANSIJSKO IZVJEŠTAVANJE I REVIZIJA**

#### Član 25.

Služba za budžet, poduzetništvo i nadzor dužna je podnositi Općinskom načelniku mjesečne finansijske izvještaje u roku od najviše 30 dana, a tromjesečne i polugodišnje finansijske izvještaje u roku od najviše 60 dana od dana završetka svakog izvještajnog razdoblja.

**Član 26.**

Služba za budžet, poduzetništvo i nadzor obavezna je dostaviti Općinskom načelniku Izvještaj o izvršenju Budžeta za prethodnu godinu, a Općinski načelnik je obavezan podnijeti isti Općinskom vijeću na usvajanje u roku od šest mjeseci od završetka fiskalne godine.

**IV - ZAVRŠNE ODREDBE****Član 27.**

Na sva pitanja koja nisu regulisana ovom Odlukom, a tiču se načina izrade, donošenja, izvršavanja Budžeta, zaduživanja, duga, računovodstva, nadzora i revizije Budžeta primjenjivat će se odredbe važećih zakona.

**Član 28.**

Odluka o izvršavanju budžeta općine Srebrenik za 2008.g. objavit će se u «Službenom glasniku općine Srebrenik», a važi za fiskalnu 2008. godinu.

**BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA SREBRENİK  
- Općinsko vijeće -  
Broj: 01- \_\_\_\_\_ 07.  
Srebrenik, \_\_\_\_\_ 2007.godine.**

**PREDSJEDAVAJUĆI  
OPĆINSKOG VIJEĆA:  
Prim. dr. Ibrahim Zukić**